

BASES DO V PREMIO UNIVERSITARIO DE COMUNICACIÓN CIENTÍFICA “CONTAR A CIENCIA-LA CAIXA”

A Real Academia Galega de Ciencias (RAGC) convoca a quinta edición do Premio Universitario de Comunicación Científica “Contar a Ciencia-la Caixa”, patrocinado por La Caixa e organizado polo portal GCiencia. O evento conta coa colaboración da Secretaría Xeral de Universidades da Xunta. O premio ten como principais obxectivos fomentar a creación de traballos de xornalismo científico entre os futuros profesionais da comunicación e dar a coñecer a investigación científica universitaria que se fai en Galicia.

1. O V Premio Universitario “la Caixa” de Comunicación Científica, co lema “Contar a Ciencia”, quere divulgar a investigación que se fai nas universidades de Galicia e animar aos estudantes a coñecer e fomentar o xornalismo e a comunicación científica.
2. A convocatoria está aberta aos alumnos das facultades de Ciencias da Comunicación de Santiago de Compostela, de Ciencias Sociais e da Comunicación de Vigo (campus de Pontevedra) e de Ciencias da Comunicación da Coruña, que deberán presentar os seus traballos individualmente ou en grupos dun máximo de dúas persoas. Tamén poderán participar os graduados en Ciencias da Comunicación dalgunha das tres universidades galegas que obtiveran o seu título ao longo do curso 2016-2017.
3. Os candidatos presentarán as súas propostas a GCiencia, a través do correo redaccion@gciencia.com. Ditas propostas deberán introducir, en formato de reportaxe ou entrevista, un proxecto científico que se desenvolva en calquera das tres universidades galegas. Os traballos poderán ser escritos, fotográficos, audiovisuais ou mixtos, aínda que todos concorrerán nunha mesma categoría.
4. Estas propostas previas enviaranse en formato Word e constarán dun título e subtítulo provisionais, e un resumo de entre 500 e 700 caracteres, espazos incluídos. O prazo para a presentación destas propostas estará ata o 9 de marzo.
5. As propostas serán avaliadas por GCiencia, que elixirá as que máis destaquen polo interese e orixinalidade do tema tratado, calidade expositiva e valor xornalístico. GCiencia comunicará a decisión aos elixidos para que comencen a realizar os traballos xornalísticos propostos.
6. O idioma empregado será o galego.
7. Unha vez realizada a selección de propostas, os alumnos que pasen a primeira selección poderán presentar os seus traballos. Os traballos escritos deberán ter unha

extensión de entre 3.500 e 7.000 caracteres con espazos, serán presentados en formato Word e acompañados dunha o mais imaxes libres de dereitos. Os traballos audiovisuais terán unha duración entre tres e catro minutos. As imaxes deberán pertencer aos propios alumnos. Permítese a utilización de recursos audiovisuais alleos, sempre que non excedan dun 15% da duración total da peza e estean libre de dereitos. As pezas virán acompañadas dun texto xornalístico de resumo de canto menos 600 caracteres con espazos. Os traballos audiovisuais deberán respectar formatos xornalísticos tradicionais, como reportaxes, entrevistas ou noticias. Poderanse presentar tamén reportaxes fotográficas, que irán acompañadas dun texto en formato word con título, subtítulo e non menos de 600 caracteres con espazos. En todos os casos, as imaxes deben estar libres de dereitos. Os candidatos poderán enviar os seus traballos ata o 10 de abril de 2018, inclusive.

8. Os traballos serán publicados en [GCiencia](#) entre os días 11 de abril e 22 de abril de 2018. A organización resérvase o dereito a non publicalos se carecen da calidade necesaria ou se detecta falta de orixinalidade.
9. Unha vez publicados todos os traballos, un xurado elixirá ó gañador e os dous finalistas do IV Premio Universitario "la Caixa" de Xornalismo Científico.
10. O fallo do xurado emitírase antes do 4 de maio de 2018.
11. Os premios serán os seguintes: 1º Premio: 700 euros en metálico, un dispositivo electrónico (IoxPhone P1 de Primux) e diploma acreditativo. Cada un dos dous finalistas: un equipo de altofalantes portátil Sk-21 de Primux e un diploma acreditativo. Os restantes concursantes seleccionados para elaborar os seus traballos recibirán diplomas acreditativos.
12. O xurado estará encabezado polo presidente da Real Academia Galega de Ciencias, D. Miguel Ángel Ríos, e estará integrado por representantes da Consellería de Educación, do Consello Superior de Investigacións Científicas (CSIC), de 'la Caixa' e do Colexio Profesional de Xornalistas de Galicia, de GCiencia, así como por un investigador galego de recoñecido prestixio.
13. A documentación será enviada polos participantes a redaccion@gciencia.com e deberá incluír os seguintes datos: nome completo do participante, enderezo electrónico, enderezo postal, teléfono de contacto e centro universitario no que cursa estudos. En caso de traballos por parellas, deberá aclararse cal dos dous estudantes lidera a proposta, que será quen reciba tanto o ingreso do diñeiro como o dispositivo e os diplomas en caso de resultar gañador.
14. As bases e a evolución das distintas fases do Premio íranse detallando en GCiencia, dentro da sección "Contar A Ciencia", na que tamén se publicarán os traballos seleccionados.
15. O xurado reserva a posibilidade de declarar deserto o premio.
16. Os premios entregaranse nun acto público que se celebrará en Santiago de Compostela entre os meses de maio e xuño de 2018. No caso de non poder asistir ao acto, os gañadores e finalistas recibirán os premios por envío postal.



17. Os datos de carácter persoal que se puidesen recoller nesta convocatoria, serán para o ámbito e coa exclusiva finalidade do seguimento, control e desenvolvemento desta, quedando garantido o seu tratamento e protección de acordo co establecido pola Lei Orgánica 15/1999, do 13 de decembro, de Protección de Datos de Carácter Persoal. O responsable do ficheiro é Ciencia Galega Industrias Creativas S.L., con domicilio en Rúa Velázquez Moreno, 17, 36202 Vigo, onde poderá exercerse os dereitos de acceso, rectificación, cancelación e oposición.
18. A comunicación de finalistas e gañadores farase directamente cos participantes por correo electrónico e a través de gciencia.com.
19. Os participantes consenten, ao incorporarse á presente convocatoria, a libre utilización, publicación e reprodución por parte de GCiencia dos seus traballos, sen que iso implique a cesión dos dereitos de propiedade á empresa editora.
20. Os participantes, polo feito de presentar as súas candidaturas, aceptan as presentes bases e a decisión do xurado, renunciando a toda reclamación.

Convoca



Patrocina



Organiza



Colaboran

